

第三名

洪協強

海底囚

得獎感言

Goar si doax du Gilaan ee Phvioo laang, duix Daibuun siafzog cyn u herngzhux.

個人得獎紀錄有：2018年臺灣文學獎臺語散文金曲獎入圍、教育部臺灣台語及臺灣客語文學獎（臺灣台語）6篇、教育部臺灣台語朗讀文章入選2篇、苗栗縣夢花文學獎母語文學5篇、新台文台語文學獎2篇。其他著獎獎項猶有：臺南市文學獎、澎湖縣菊島文學獎、忠義文學獎等等。

Guá sī Tâi-uân-lâng, ē -tàng ing Tâi-gú-bûn siá bûn-tsiunn sī guá ê hîng-tshù.

Goar maxsi Phveoo laang, ka korhiofng ee bunhoax kab hongsiok siauxkaix hoxlaang zay si goar ee engiau.



海底四

往過咱臺灣上捷出現的詐騙集團就是金光黨佻仙人跳。金光黨的手法是假做好額人的戇团，然後激槌槌用假金仔、假錢做四，邊頭的人就一直鼓舞、煽動，嘅貪心的人用錢去共換。

啊若仙人跳的手路是用女色做四，勾引一寡仔好色之徒入四，然後才用掠猴的方式共個搨腹肚邊。若拄著有頭有面抑是較好額的就據在歹徒漲懸價，一隻牛剝幾若領皮！

毋過這欸傳統詐騙的老步數，民眾早有戒心，警方嘛掠真緝，現此時較罕看著。這幾年時行網路詐騙，毋但好騙閣真僊查辦。原因就是犯罪的頭兄攏覷佇國外，掠著的多數是車手、跤仔。

金光黨佻仙人跳的手路予我想著早前澎湖人佇海裡用嘅的、用騙的，做四來代替常在看著的網仔、釣仔佻魚攏咧討掠，可比講嘅錢鰻佻勾石距。

澎湖有足闊的海坪，海坪裡生真濟「蔥仔」，蔥仔內底覷誠濟錢鰻。見若洶流，會曉嘅錢鰻的人就準備家私頭仔，趁五分水落海去占好位通欲嘅錢鰻。

海坪，嘛有人講海埕。佇澎湖湍流佻洶流變化真明顯，尤其是咱人初一、十五大流勢（lâu-si），洶流海水退到幾若百公尺遠，一大片闊闊闊袂輪運動埕遐曠闊，所以阮共叫做海埕。

珊瑚，澎湖人共叫做蔥仔。原因就是佇海裡看起來蔥蔥，若死去的珊瑚，也就是砣砣丁落佇海裡白蔥蔥，一枝、一枝親像蔥仔白仝款，共叫做蔥仔嶄然合理！

啊若錢鰻這款海產市面上真捷看著。因為個身軀有古早錢的斑點，毋才共叫做錢鰻。四常看著的錢鰻有兩種，一種是笑色的，一點、一點花花，這是花錢鰻。另外一款較暗色，阮共號做烏錢鰻。囡仔時掠做花錢鰻較花血是母的，烏錢鰻暗色較歹看是公的，大漢了後才知影這是錯誤的！

論真講，錢鰻毋是魚嘛毋是鰻，伊的正式學名是『*Gymnothorax javanicus*』¹。錢鰻真枵饞，見若魚泅過就想欲開喙共咬。早前物資較乏囡仔人掀桌炭巡食，看著好食物無經過允准伸手去拈，大人就會喝講：「無你是錢鰻諾？遐枵鬼物代？見著臊就想欲欲！」

因為錢鰻枵饞閤貪食的天性，討海人發明啗錢鰻的家私佮技術。錢鰻骨誠硬，不過真軟身，規尾覘佇蔥仔內底，共蔥仔纏牢牢，干焦探出一个頭，喙仔開開、喙齒齜齜。講一下無輸贏的，咱若用釣的抑是用強硬的方式攏袂通，獨獨用啗的才掠有！

啗錢鰻的家私，阮共叫做錢鰻鉤仔。錢鰻鉤仔攏總有兩枝，頭一枝是用人咧編籃仔、簍仔彼款籐條，量其約三尺長，一頭有安鉤仔。鉤仔袂使傷大，差不多比魚釣仔較大一層仔。另外彼頭愛有一條索仔通縛佇手裡，索仔愛拍死結才袂用去。餌愛用較臭臊的魚，親像*iûnn-ué-á*²、*hue-keh*³、臭肉（四破）。魚餌愛用另外一頭有索仔遐對魚鰓共穿入去，倚算講予魚頭會當面對錢鰻。

見真講，錢鰻真巧。魚尾若向伊，就掠做彼尾魚會隨時泅走，仙逐嘛逐袂著。啊若魚頭向伊遮來，錢鰻會順勢去共咬。因為籐條軟軟，魚餌縛佇頂懸，綴海水戛咧、戛咧就敢若一尾活魚仝款。

所以𤔵錢鰻頭一个撇步就是愛佇蔥仔縫用餌先弄一下、弄一下看有錢鰻探頭無？

看起來真簡單，若無經驗抑是毋知影銳角的參錢鰻空你都揣無。閣來就是愛會曉節力。準若弄傷大力會共錢鰻拍生驚，無就是規尾魚餌予錢鰻咬去！錢鰻若食魚餌會隨覷入去，雖然錢鰻貪食會閣探頭，不而過洩流的時間有限，干焦守（tsiú）佇遮也毋是辦法。定著愛緊換所在，等候別空𤔵了才回頭繼續𤔵舊的這空。𤔵錢鰻這項技術的確愛有人牽教，準做無底，久來嘛會熟手！

繼落來，若發現錢鰻咧探頭，就愛先停歇一睏仔，予海水平靜落來。動作傷大錢鰻會著驚。聽候等待的時陣，就愛同齊準備第二副家私。

第二副家私是一枝柴棍仔，有三尺外長，粗幼像指頭拇遐大箍。柴棍仔愛用真有的柴落去做，一般是用烏心石，也有人用其他的柴，毋過傷料小。烏心石較實心，伸入去蔥仔內底袂隨浮起來真好掌握，擰佇手裡也誠順手。

錢鰻若第二改探頭，魚餌全款愛弄一下、𤔵一下。錢鰻看著餌會開喙咬餌，餌予伊咬無要緊，因為第二副家私已經io第一副家私結做伙矣。這枝棍仔佇錢鰻咬餌的全時間就愛緊順勢囊入去錢鰻的腹肚內，目的就是莫予錢鰻閣勾入去共蔥仔纏牢咧，所以棍仔頭愛磨予圓滑、圓滑才好用。

錢鰻便若食魚了後就會隨勾入去蔥仔內底，彼是伊的天性。這個時陣咱第二副家私，也就是柴棍仔已經佇伊的腹肚內矣，錢鰻按怎勾覷攏無效。倚算講若干焦有第一副家私，雖罔有鉤仔，錢鰻也會用盡氣力倒退掣，會共喙掣裂開來求生，若按呢咱嘛是掠袂著。這兩副家私絕對愛配合好勢才會使得！

閤來，錢鰻是真有性命力的動物。人講：「死蛇活尾溜。」錢鰻也全款，毋但性地擺閤會咬人，若無處理好勢就有危險。錢鰻喙齒利劍劍閤倒勾，就捌有人啗錢鰻去予錢鰻咬甲流血流淌，甚至咬斷指頭仔，絕對愛足細膩！

錢鰻掠到手袂使隨罔人去簍仔內底，愛用較短的棍仔對錢鰻喙齒遮損予扁、捶予爛才袂咬人。聽候規尾錢鰻袂振動就會使罔人去簍仔內，按呢這尾錢鰻就穩觸觸矣！

錢鰻是誠好食的海味，三杯、五柳居食路足濟款，料理在人愛。錢鰻皮韌韌有豐富的膠質，哺起來足有口感。錢鰻肉甞嘜嘜閤營養，這是較早澎湖查某人做月內，抑是共老人、病人補挺上好的營養品。

錢鰻也會當曝乾。向時無冰箱，錢鰻若掠傷濟食袂去，曝做錢鰻乾冬天會當做物配。毋過，這馬生食都無夠，哪有通曝乾？市面上有錢鰻乾通食，彼是生理人專工曝欲賣的！

曝錢鰻乾愛先攷寡仔粗鹽，隔轉工才共晾佇竹篙頂頭，這就是錢鰻一夜乾（tsit-iā-kuann）。曝錢鰻的確愛用柴仔弓共弓開予過風，才袂生蟲。曝焦了後才捲捲咧用樹奶束規繩罔佇甕仔內底共炭予峇，按呢就袂生菇。欲煮的時咱才共提出來剝剝咧，參寡仔豆腐、蒜仔、米酒煮『みそ』⁴湯真著味。

嘛會當直接用火烘，往過若有人咧烘錢鰻乾，氣味芳貢貢、貢貢芳，規个庄頭擺鼻會著。這是幸福的氣味，因為一寡仔燒酒伴會掙燒酒來揣你過家，啖糝一下。逐家講天、講地，講鰲稀、講飯篙，冬天風透無出海，彼暗不醉不歸，不止仔有人情味。

時代咧進步，為著生存咱人類攏咧激頭腦來改善生活。現此時錢鰻罕得用嘅。討海人發明一種錢鰻筍來取代嘅錢鰻。錢鰻筍是啥？簡單講就是類似蝦筍的原理，做囫共囫佇海底等錢鰻自動入囫。

欲做錢鰻筍真簡單，代先愛揣一枝較大箍的塑膠水管，直徑差不多30公分還大。然後取5至6尺長，共水管戮一空、一空，也就是愛予海水會當自然灌入去，莫予浮起來水面就會使得。閣來水管內底囫魚餌，兩頭才鬥像蝦筍彼款若漏仔的裝置，予錢鰻會當湧入來，袂當趁出去。趁洩流共囫佇海底蔥仔縫，用索仔縛予牢，落尾才用石頭共錢鰻筍摺佇海底，莫予海水流去就好，聽候後一遍洩流就會當收成矣！

錢鰻筍掠錢鰻毋免啥物工夫，清彩人攏會當掠。一擺洩流會使下幾若跤，安全閣輕鬆。所以澎湖錢鰻愈掠愈少，傳統嘅錢鰻的工夫恰家私嘛強欲失傳矣！

閣有一項強欲拍毋見的討海技術就是勾石距。佇澎湖彼款頭圓圓、有八肢跤的章魚有幾若種。上大隻的叫做塗婆。塗婆這馬真罕得看著，聽講有成百斤重。

講著塗婆，先插花仔一下。現此時佇馬公較郊外還有一个所在舊地號名叫做豬母水，以早有豬母落水的傳說。佇遐較倚海墘有袂少豬牢，便若日暗塗婆會上岸偷掠豬仔囫，豬母保護豬仔囫io塗婆相拍。歸尾煞予塗婆拖落海裡，毋才共叫做豬母水。

比塗婆較細隻的是紅章，佇海裡身軀會變紅。大隻紅章有成十斤重。紅章有小可仔毒性，一般生活佇較深海的所在。雖罔有毒，若煮熟毒性會無去，不過紅章食食傷濟，身軀會淡薄仔著清瘡。

比紅章較細隻的就是咱所講的石距。啊若比石距較細隻的常在看著猶有：澎湖章魚、sāi-luāh-á、爛跤仔、siáu-khok-á等等，真濟種。檢采外地人捎無摠，攏共叫做石距！

澎湖人講的石距到底是啥？若講著2010年世界杯跤球比賽，德國人預測輸贏彼隻「章魚保羅」逐家應該然就知矣！

澎湖章魚咱用炤海的方式就掠個會著。啊若石距較巧，無好討掠。毋過討海人比石距閣較巧，個發現石距好玄、好色的特性，用鉛熔熔咧，鑄造一隻io石距欲全型、平大隻的模仔，然後佇鉛模四箍圍插規排魚釣仔，予魚釣仔向外，袂輸石距的跤全款。這就是勾石距的家私，阮共叫做石距釣仔。

石距釣仔因為外型io石距欲全，加上是鉛做的，用釣魚線縛咧墜落海底，釣魚線是透明的，佇海裡浮浮沉沉敢若一隻活石距。石距釣仔做罔的原理就是予好玄、好色的石距掠做是異性咧起鵠，會隨泅倚來欲共攬。等到發覺懷疑已經袂赴矣！因為有規排的魚釣仔，石距肉真軟隨就予釣仔共鑿牢咧！

勾石距愛用掣的，這確實有銳角。若無經驗的人，看起來誠簡單的動作，袂曉就是袂曉，的確予你掠無！

首先，石距是生活佇較深的海域，定著愛坐船去勾。有經驗的討海人知影石距覘的所在。通常是佇蔥仔埕海底沙埔交界的無人島跤兜。到位了後船愛隨共發動機禁恬，拋碇好勢，若有噪音會去共石距驚著。閣來就是愛佇中晝日頭較大的時陣上著時，石距釣仔墜入海裡有日頭光就會倒鑿目，石距愈毋知真假，做罔效果特別好。

繼落去就是人愛坐佇船頭抑是船尾。若坐船中央因為有船影，會鬧著石距釣仔，按呢較袂顯光。

石距釣仔墜落海了後就愛隨時用手感覺是毋是有石距咧攪，若覺察手裡有咧食力就愛雄雄大力共掣一下。這個屈勢就是欲予石距鑿釣仔鑿較深、較入肉的，莫予石距用去，尾手咱才勻勻仔共摸上船頂。

勾石距是真忝頭的工課。大晡日、透中晝佇海中央若無拄好會著痧，而且船是拋碇無振動會綴海湧擻，較會眩船。啊若欲徙位愛先起碇才用竹篙撐船，的確予你撐甲會呼雞袂歛火。閤來就是袂當掛手橐仔，掛手橐仔較無法度感覺石距咧攪。釣魚線會共手割著傷，空喙沐著海水絕對跂甲哀爸叫母！

石距掠轉厝了後愛先用寡仔鹽共擱予出滯較袂臭臊，然後用石距拍共拍予蚶蚶，按呢食起來較會脆，無者會韌歹哺。石距拍是用柴枋做的，大細枝恰形狀就若胡蠅拍仔彼款形，早前佇澎湖逐口灶攏會攢幾若枝，隨時通拍石距。

石距曝焦了後有真芳的氣味，石距乾和排骨炆湯順繼濫寡仔青蒜仔，彼款滋味參老大人無喙齒嘛擋袂牢，毋管老共茈人人攏愛食。石距排骨湯是澎湖足有名的古早味，食過的人攏呵咾甲會觸舌！

勾石距的工夫恰石距釣仔漸漸失傳矣！原因是石距愈來愈少加上嘛是有人用類似錢鰻筍的方法咧討掠，只是筍內底的魚餌換做石距上愛食的食物：大狗仔⁵。

大海闊莽莽、海水浮浮沉沉。海底做囵會成功是因為錢鰻枵饞、貪食，石距好玄、好色。

網路暗漠漠、線頂真真假假。網路做乜會成功敢毋是原仔介在貪佻色？

詐騙隨時咧換新手路，好佳哉有海底乜咧予咱看樣，合該然有樣看樣，無樣家己想，因為詐騙不離貪佻色。溜溜瞅瞅，食兩蕊目矦，若拄著代誌一定愛冷靜處理、敲165查證，千萬毋通墜落詐騙乜的陷坑喔！

註解

1. 中文名：『爪哇裸胸鱔（鯧）』。資料來源：臺灣魚類資料庫。
2. 華語的『臭肚魚』。
3. 華語的『玳瑁石斑』。
4. 華語的『味噌』。
5. 華語的『光手滑面蟹』。